



ӨВӨРХАНГАЙ АЙМАГ
ХУЖИРТ СУМЫН ЗАСАГ ДАРГЫН
ЗАХИРАМЖ

2022 оны 05 сарын 20 өдөр

Дугаар 4/111

Хужирт сум

Хязгаарлалтын дэглэм тогтоох тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 59 дүгээр зүйлийн 59.1.12, Мал, амьтны эрүүл мэндийн тухай хуулийн 18 дугаар зүйлийн 18.2 дахь заалт, Засгийн газрын 2018 оны 266 дугаар тогтоолын 2 дугаар хавсралтаар батлагдсан “Хорио цээр, хязгаарлалтын дэглэмийн үед хэрэгжүүлэх үйл ажиллагааны журам”-ын 6 дугаар зүйлийг тус тус үндэслэн ЗАХИРАМЖЛАХ нь:

1. Тус сумын Уужим 2 дугаар багийн нутаг дэвсгэрт бог малд малын гоц халдварт шүлхий өвчний эмнэл зүйн шинж тэмдэг илэрсэн тул сумын Мал эмнэлгийн тасгийн саналыг үндэслэн 2022 оны 05 дугаар сарын 20-ны өдрөөс эхлэн тус багийн нутаг дэвсгэрт 14 хоног хязгаарлалтын дэглэм тогтоосугай.

2. Хязгаарлалтын дэглэм тогтоосон нутаг дэвсгэрт байгаа малтай өрхүүдийн малд тандалт шинжилгээ хийж, ариутгал халдвартгүйжүүлэх арга хэмжээг шуурхай зохион байгуулж ажиллахыг “Гонир” мал эмнэлгийн малын их эмч Ш.Байгальмаа, “Гуа харз” мал эмнэлгийн малын их эмч Ц.Батдэлгэр, 2 дугаар багийн Засаг дарга С.Самдан нарт тус тус үүрэг болгосугай.

3. Хязгаарлалтын дэглэмийн үеэр 4 цэгт хяналтын пост гаргаж техник хэрэгсэл, хүн хүч дайчлан удирдлага зохион байгуулалтаар хангаж ажиллахыг Засаг даргын Тамгын газрын дарга 3.Цэцэгмаа, шаардагдах шатах тослох материал, халдвартгүйжүүлэлтийн хувцас хэрэгсэл, ариутгалын бодисоор хангаж ажиллахыг Санхүүгийн албаны дарга Д.Уранчимэг нарт тус тус даалгасугай.

4. Тухайн нутаг дэвсгэрт нийтийн хэв журам хамгаалах, олон нийтийн аюулгүй байдлыг хангах, тээврийн хэрэгсэл болон хүн малын хөдөлгөөнд хяналт тавьж, гэмт хэргээс урьдчилан сэргийлэх ажлыг зохион байгуулж ажиллахыг Цагдаагийн тасаг, Цагдаагийн тасгийн дарга, дэд хурандаа (Х.Түмэнбаяр)-д даалгасугай.

5. Хязгаарлалтын дэглэм тогтоосонтой холбогдуулан малчид, мал бүхий иргэдэд үүрэг болгох нь:

а. Мал, амьтан гэнэт олноор хорогдсон, шүлхий өвчний сэжиг илэрсэн тохиолдолд 12 цагийн дотор сумын Мал эмнэлэг, Мал эмнэлгийн тасагт дуудлага өгч мэдэгдэх.

б. Халдварт өвчин гарсан бүс нутгаас малын шилжилт хөдөлгөөн болон малын гаралтай түүхий эд бүтээгдэхүүн худалдан авахгүй байх.

6. Захирамжийн хэрэгжилтэнд хяналт тавьж ажиллахыг сумын Онцгой комиссын орлогч дарга Б.Дэмбэрэл, Мал эмнэлгийн хяналтын Улсын байцаагч Б.Ичинхоролцэвэлмаа нарт тус тус даалгасугай.

ЗАСАГ ДАРГА



Т.БАЯРМОНХ